

Péterù

andí ɔɔ rí kisě nǐ bhàruwà

Yàrí bhàruwà ò ì nòtù ádròdrò dhu tí dhu

Yàrí bhàruwà nandí ní Sìmonì Péterù, Yèsù Krístò bhà kasutále ndirò kàbhà uvitatále (1.1). Kǎndí ka azà kumì dòná imbò nà atɔ mà azà kumì dòná àrùgyètí nà atɔ mà nà nzinzi ò Yèsù ka kùgù dhu-dzidò.

Péterù andí ndi ɔɔ rí kisě pbindà bhàruwà kórò pbàkrístò tò, ndíní abádhí irè tí yà fíyò ndì ndúdhe dhu (1.12).

Kàzè dhu ní abádhí rùgyè ì tìtò tó màlímó mà nà abádhí tó nzére mùtsɔ mà nà (2.1-22).

Bhàruwà-nyitì ka kòhù tí dhu

- Bhàruwà-dòkpa (1.1-2).
- Kàgàwà rí indrù ùnzi dhu mà ì ale àkǎ ò'ò a'uta ò dhu mà nà dhu (1.3-15).
- Kàgàwà bhà ɔte rǒ dhu àkǎ kapbǎ ale-afí dhu (1.16-21).
- Ìnzá dhu àkǎ kirì tìtò tó màlímó rùdhena dhu dhu (2.1-22).
- Ìngo Ádrùngbǎle Yèsù níngoya dhu (3.1-18).

Péterù rí indrù nóvì dhu

1 ¹Yàrí bhàruwà nandí fùkù ní ima Sìmìyonì Péterù. Ima ní Yèsù Krístò bhà kasutále, ndirò ima ní kàbhà uvitatále. Nyí nyá'ù Yèsù Krístò àdhàdhì mà má'ù ka átò dhu bhèyi. Ndi a'uta rí'ì ábhò ídzinga nyú nà fùkù, àdhàdhì kà rí'ì ábhò ídzinga nà fàkà átò dhu bhèyi. Yèsù Krístò ábhù àlè rí'ì ndi a'uta nà, obhónángatále tí ndì ndí'ì dhu-okú dò rò. Àbadhi ní Kàgàwà ndirò ka ní àlè tó Ǫgùba. ²Ní, Kàgàwà àkǎ ndàso nyí ndàdè nyàbhù nyòkò màrùngà ò atdíò, ndì mà, àlè tó Ádrùngbǎle Yèsù Krístò mà nà nyí nyúni atdíò dhu-otù ò.

Kàgàwà rí indrù ùnzi dhu mà a'uta ò dhu àkǎ kò'ò dhu mà nà dhu

(Yùw 17.2-3; 2Tì 3.16; Tìt 2.11-14; Fìl 1.9-11;
3.8-14; Èbr 6.11-12; 1Pé 1.10-12)

³Kàgàwà tó pbindà ádrùngbǎnga tó obi nǐ, Ádrùngbǎle Yèsù íbhò kórò dhu-tsí yà àlè kí atdyúya òhò àlè tò, ndíní àlè koko tí Kàgàwà-rǒ àlè kapbǎ

àlě-afí rórò. Obhó tí, kǎbhà àlě'í àlě r̀̀ni ndi Kàgàwà, yà àlě nunzi ndíní àlě kabá tí pb̀̀ndà ádr̀̀ngbǎnga tó awáwù mà pb̀̀ndà ídzìnga mànà ale. ⁴Ndi dhu bhèyi ní ndi, Kàgàwà íbhò yà ndi ndakò fíndá làkà ɔrú odziya nà ádr̀̀drò dhu àlě tò. Ndi làkà nyí nyábà nídhuní, nyí nyí'í inè nyòtsè yà adzi ɔ nzére dhu-atdyú òho nyí nyí dhu-tsù r̀̀, nyǎdù yà Kàgàwà bhà ale tí rí nyítè ɔfò nódýì. ⁵Ní ndi dhu-okú d̀̀ r̀̀, nyí nyàkǎ nyǒnzì ɔbi nyísè f̀̀kù á'uta d̀̀ dhu ní ídzìnga t'̀̀nzita. Ídzìnga t'̀̀nzita d̀̀, nyí nyàkǎ nyísè dhu ní Kàgàwà ùní nyí nyí mbèyi nyú dhu. ⁶Kàgàwà ùní nyí nyí mbèyi nyú dhu d̀̀, nyí nyàkǎ nyísè dhu ní ìnzí nyí nyí nyítsù akye atdí dhu ò dhu. Ìnzí nyí nyí nyítsù akye atdí dhu ò dhu d̀̀, nyí nyàkǎ nyísè dhu ní dhu-dzi t'̀̀ondùta. Dhu-dzi t'̀̀ondùta d̀̀ nyí nyàkǎ nyísè ní Kàgàwà ózè dhu ònzì nyí nyí dhu. ⁷Kàgàwà ózè dhu ònzì nyí nyí dhu d̀̀ nyí nyàkǎ nyísè dhu ní atdí àba bhà ale bhèyi nyí nyí nyòzè dhu. Ndirò, atdí àba bhà ale bhèyi nyí nyí nyòzè dhu d̀̀, nyí nyàkǎ nyísè dhu ní kóró ale òzè nyí nyí dhu. ⁸Obhó tí, nyí nyapé í'í k̀̀rì m̀̀tsɔ nà abho nyú, ní nyí nyóonzina kasu rádù ábhò itse nyú nódhì, nyǎdù àmbe àlě tó Ádr̀̀ngbǎle Yèsù Krístò ǹ̀ni d̀̀ mbèyi nyú. ⁹Pb̀̀tù, ìmbǎ arí'í k̀̀kò m̀̀tsɔ-tidò nà ale ní ndùmùndùmú, yà ìnzí rádù inga àla ale. Ndi ale ònǎ r̀̀, iwà ndi ndú'ò ndi ndilǎ yà angyi í'í pb̀̀ndà nzérenga ɔ r̀̀ dhu nádzo wà. ¹⁰Ní ndi dhu-okú d̀̀ r̀̀ àbanĩnzò, àdhàdhì yà Kàgàwà óvò nyí, ndàdù nyũnzì dhu bhèyi, nyí nyàkǎ nyǒnzì ɔbi atdí d̀̀ ndíní nyí nyoko tí àkǎkǎ ale tí wò ndi otu ɔ. Nyí nyapé k̀̀rì dhu ònzì, ní nyí nyí nzi àdù nyǎwà akekpa màtí nzére dhu ò. ¹¹Obhó tí, ndi dhu bhèyi nyí nyónzì dhu r̀̀ ní ndi nyí nyǎdù rusà àbà atdí d̀̀, nyòtsù nì àlě tó Ádr̀̀ngbǎle, Ɔgùba Yèsù Krístò bhà dhòdhòdhóngà tó Idzi ò.

¹²Wò dhu-okú d̀̀ r̀̀ ní ndi, ma mádi mongò àmbe i dhu isè d̀̀ f̀̀kù bilínganà, iwà màtí nyí nyúni i dhu, nyǎdù ìko p̀̀tsɔ yà nyí nyábà obhóngà ɔ rórò. ¹³Ní, ma màla dhu mbèyi nyú marà f̀̀kù irèta nángbe r̀̀, misè i dhu f̀̀kù yà àdì ma màdì nyìkpódu nà ònǎ kàsùmì ɔ. ¹⁴Obhó tí, ma m̀̀ni wà dhu, ma m̀̀vè ònǎ idho rindù wà ndi, àdhàdhì àlě tó Ádr̀̀ngbǎle Yèsù Krístò itè ka kpangba idù dhu bhèyi. ¹⁵Ní, ma mí ɔbi ònzì atdí d̀̀ mitè nyí nyóngo i dhu irè bilínganà iwà ma m̀̀vè rórò màtí ònǎ otu f̀̀kù.

Kàgàwà bhà Ɔte r̀̀ dhu àkǎ kapbǎ ale-afí dhu

¹⁶Obhó tí, yà mà m̀̀vè àlě tó Ádr̀̀ngbǎle Yèsù Krístò iraya ádr̀̀ngbǎnga tó ɔbi nà dhu tó màk̀̀rù f̀̀kù r̀̀, mà m̀̀vè nzá ka yà ìndr̀̀ ítso títò tó imbe ɔ. Pb̀̀tù, mà màla wà kǎbhà ádr̀̀ngbǎnga tó ɔbi nyìkpóka nyú nì. ¹⁷Obhó tí, kǎbà ifuta mà, ádr̀̀ngbǎnga tó awáwù mànà Àbanà Kàgàwà-fó, yà ndi ádr̀̀ngbǎnga tó ɔbi nà arí'í Kàgàwà-tù níri ndi nínganí. Ndi ale-tù ati: « Yàrí ní Idhùdu, atdí d̀̀ ma m̀̀zè ale. Kǎrí

nyìkpòdu nòfò dhu ònzi^a. » 18 Mǎ'i nyú mǎ-tírò, mǎ miri wòrí ale-tù òrù-akpa ò rò rírá ró, yà atdíkpá mǎ mí'í kà mànà ìlílǎ p̀bìrì dǎ rò.

19 Ndirò, mǎ má'ù wà yà p̀bànábí núuno angyangyi òte atdíǎ. Ní nyí, nyí nyónzì dhu mbèyi nyǎp̀bǎ afíku ndi òte rǎ. Wò ndi abádhí avò dhu rí'í àdhàdhì tarà bhèyi, yà ìnò ò rádù inga àwù, ràrà àhu inga rùbho dhu ò, rádù àrà àhu kútsingá nga tó *alali^b rí afíku-ònga àtdye òná kàsùmì ò. 20 Nyí nyàkǎ nyùni angyi kóró dhu tò dhu ní, p̀bànábí avò ìndrù tò angyangyi ìlílǎ Andítá ò rí'í dhu, ní abádhí ravò nzá rǎhu d̀yà ò rò ìtírò. 21 Obhó tí, i p̀bànábí avò ìndrù tò dhu náahù nzá ìndrù ò rò. P̀bétù, Kàgàwà bhà ìlílǎ Alafí ní ndi abádhí àbhu ongónà ròvò Kàgàwà ìtè f̀yò dhu ìndrù tò.

Inzá dhu àkǎ kirì tìtò tó màlímó rùdhena dhu dhu

(Kas 20.29-30; 2Tì 3.1-9; Yud 3-16; Upf 2.14,15)

2 1 Angyí, tìtò tó p̀bànábí núunya ì P̀bàìsràyélí nzínzì ò. Ní ndi dhu bhèyi tí, tìtò tó màlímó núunya yà ì ùnyà nzínzìku ò átò. I ale nítsuya tìtò tó nzére dhu t'údheta-tidò nà nzínzìku ò inzà nyí nyùni rórò, 'àdù yà ì ǹwù Ádrùngbǎle Yèsù nyú mà nódhò. Ndi dhu bhèyi ní ndi, abádhí nídhaya Kàgàwà rí tsèya òtdì kòmbómbí dhu ìtírò d̀yà. 2 Ábhò ale núunguya abádhí-owù f̀yó nzére mùtsò ò. Ndirò abádhí-okú d̀ò rò, ka kowuya dhu ùnò rǎ nzére Kàgàwà bhà obhóná otu nǎ. 3 Ndirò, atdíǎ ì í ongyéngá-atdyú nóho 'àbà dhu-okú d̀ò rò, abádhí nóowuya nyùtra rǎ ìtsò ì ìtsò tìtò tó òte nǎ. P̀bétù ròpè ndi mùhàngú ò rò, Kàgàwà rí abádhí-ànyǎ ìtdì, ndàdù abádhí-tsè òtdì òná idho rí'í f̀kyèrò.

4 Obhó tí, Kàgàwà náabà nzá izu kǎkǎ nzérenga nanzì màlàyíkǎ d̀ò màtí^c. P̀bétù, kǎwà abádhí ìnzì aráve dhòdhòdhóngà nà kàzù ò. Kǎrí abádhí òdò atdíǎ ùtì mbìi ìnò-yà-ba ò, iwà ka kusò àdrà-mbì d̀ò rórò, ròngò àmbe ànyǎya ìtdì ndi ndaraya òná idho òdò d̀ò. 5 Kàgàwà náabà nzá izu yà angyinǎ rò nzérenga nanzì yà adzi ò ale d̀ò màtí átò. P̀bétù, yà ndi ndàbhu idha ròtù, ràwìlì nzére ale tó yàrí adzi òná kàsùmì ò, kǎdò Ǹwà mà ngbò àrùbhù ngùkpà ale mànà. Ndi Ǹwà ní'í yà obhónánga tó Ídzi Màkùrù nùnónà ale^d. 6 Ndirò Kàgàwà náatdì Sòdòmò mà Gòmòrà nà tó kigò ò ale-ànyǎ, ndòtdì tsèya kàzù nǎ^e. Kǎnzì ndi dhu ndíní'í tì atdí òfò tì kóró ale yà adzi ò arí nzérenga ònzi tò. 7 P̀bétù kígú obhónángatále, Lotì, yà atdíǎ akó kǎkò nzére ale tó nzére mùtsò-okú d̀ò rò ale. 8 Obhó tí, wò ndi obhónángatále nóongónà àdì ì nzére ale nzínzì ò, ndàmbe abádhí rǎnzina nzére dhu àndà d̀ò, ndàdù àmbe abádhí rùnna nzére dhu ìrì d̀ò bìlìngà. Ní ndi dhu ongónà àdù kà-afì ìnza atdíǎ. 9 Ní wò dhu rìtèna

^a 1.17 Ìsa 42.1; Màt 17.5; Mrk 9.7; Luk 9.35 ^b 1.19 Òzt 24.17; Luk 1.78; Upf 2.18; 22.16 ^c 2.4 Òpt 6.1-2; Yud 6 ^d 2.5 Òpt 6.1-7.24 ^e 2.6 Òpt 19.24-29

dhu ní, Ádrùngbàle Kàgàwà ràrĩĩ ìnè ndìgù yà ndì ndózè dhu ònzi arí ale umvútá ÿ rò. Pbéù, kà rĩĩ ìnè ndòdò nzére dhu ònzi arí ale, ndíñí ndì ndabhùya tí ràbà àpè yà adzi ÿ ale-ànyá itdì ndì ndí òná idhò ÿ. ¹⁰Ndirò, kítđiya ànyáya atdíđ ròsè ale ní kàkà ngbòya rĩ atdyúya òho nzére dhu ÿ tí aróko, 'àdù àmbe Kàgàwà bhà ádrùngbànga gàyà ònzi dđ ale.

Kđkđ i títò tó màlímó ní 'idzi arí itírò ale, 'òyò arí ale, ndirò ònzi arí odo ònzi ádrùngbànga tó awáwù nà arĩĩ òrù-akpà ÿ ípìrònga nà dhu-tsí nĩ ì í dhu ùnò nzére rò ale. ¹¹Yà abádhí nyú núdà obi nĩ, 'àdù ìĩ ádrùngbànga tó obi nà màlàyíkà mà náarí nzi abádhí òbhù, 'àmbe dhu ùnò dđ nĩ nzére Ádrùngbàle-ònzí. ¹²I títò tó màlímó arí dhu ònzi ádhàdhì irí ÿ ìzà arí dhu ònzi ìmbà irètá na dhu bhèyi, 'àmbe dhu ùnò dđ inzà ì ùni dhu nĩ màtí. Irí ÿ ìzà núpè ka karí ràtsi àzèmbè ì álána àdà ò, kadù òkyènà. Ní ndi dhu bhèyi tí, i títò tó màlímó-tse nòotđiya ndì tsèkè fiyó nzérenge nyú-okú dò rò ì irí ÿ ìzà bhèyi. ¹³Kàgàwà abhùya abádhí ràbà àpè àdhàdhì abádhí arí ngùkpà ale àbhù ràbà àpè foyá dhu bhèyi. Abádhí-idhè náarí ndìkà ìkà tí yà ngbòya òná rò ì í atdyúna òho nzére dhu ònzi ì í adyi-panga rò. Mùhendù ÿ nyí nyí atdíkpá abádhí mànà rò, abádhí-idhè arí ndìkà ìkà tí nyùtrá ì í rò. Ní mùhendù ÿ abádhí rĩĩ dhu náaràdù ìnze ìnzè tí rùkú, ndi dhu ràdù nyìku àbhù rìwù. ¹⁴Abádhí-nyìkpò arónena ale ní mènynò ònzi ì í nà vèbhàle kèlè, ndirò abádhí náarí nzi 'ingyè nzérenge t'ònzita nĩ. Abádhí náarí kàkà ivíví a'uta nà ale nídha ròtsù nzérenge t'ònzita ò. Abádhí àbhù ongyéngá òne ì í dhu ràtdù afíya atdíđ. I ale ní iwà Kàgàwà ófù ale! ¹⁵Abádhí úbhà obhónge tó otu, 'àdù òwu igi Balamà, Bèorí t'ídhùnà núubhì òná otu ÿ. Ndi Balamà azè dhu ní ndòngyè malì nzére dhu ònzi ndì ndí dhu-otù ÿ. ¹⁶Ní Kàgàwà arù kà dđ ndi kàbhà nzérenge-okú dò rò: kàbhù kayinò, yà ònzi aróte ìzà nyú ròtè ìndrù bhèyi kà tò, rìsò wò kà rāpàna ndònzì inzà nga nòfò dhu.

¹⁷Kđkđ i títò tó màlímó rĩĩ ádhàdhì yà ìmbà idha arĩĩ òyà idha-bhu bhèyi. Abádhí rĩĩ ádhàdhì yà àpùpù ròpilina àpù bhèyi. Kàgàwà òbhòlò wà ngari abádhí tò atdíđ ùtì mbìlì ìnò ò. ¹⁸Abádhí arí 'idzi 'àmbe ìmbà tìya nà ote òvò dđ ìndrù tò orú tìya nyú nà. Ndi dhu bhèyi ní ndi, abádhí arí yà iwà ì nútù nzére dhu ònzi arí ale rò rò ale nídha tìya ò, ndíñí ì nadù tí tđítđ 'àmbe yà ngbòya rĩ atdyúya òho nzére dhu ònzi dđ. ¹⁹Abádhí arí làkà òkò ngùkpà ale tò 'àti, ì ale ràròko ddyá itírò, tàmanya pbání ì nyú itírò ní ìndrù àbhù arí rìnza ì dhu tó ìnò rórò. Obhó tí, atdí dhu náapè ìndrù àgye, ní ndi ale ní wò ndi ndì náyè dhu bhà ìnò. ²⁰Obhó tí, atdíhená ale nùbhà wà yà adzi ÿ nzére dhu t'ònzita, Yèsù Krístò ì ùni fiyó Ádrùngbàle tí ndirò Ògùba tí dhu-otù ÿ. Pbéù, abádhí apé 'àdù ì nzére dhu ò tđítđ, ì dhu ràdù 'àgyè, ní abádhí tó ófò ràdù ìĩ nzére nyú

^f 2.15 Ozt 22.4-35

ròsè angyi abádhí aríí nà ǒfò dǒnǎ. ²¹ Abádhí úni wà obhónánga tó otu, pbétù abádhí ádù yà fíyò ka kavò Kàgàwà bhà ìlílǎ Úyátá núbhà ìnzí ìfu. Ní ndi dhu bhèyi kíína rò, dhu akána ìnzí abádhí rùni ndi obhónánga tó otu. ²² Wò ndi abádhí tó ǒfò nákwò wà ndi kákà mbàyi ǒ ka kòvò dhu nà kprangba. I mbàyi ràtina: « Ìtsè nádu wà ndì, ndònyè yà ndì ndàdyò ònà rò dhu tdítǒǒ. » Ndirò: « Ìwà ndì nù'ò mbèyi àdù-íyà-ba nángbò wà ndì tdítǒǒ, ndàmbe ndàhà dǒ ǒtdò ǒ. »

Ìngo Ádrùngbǎle Yèsù níngoya dhu

(Ìsa 51.6; 65.17; Màt 24.37-38; Luk 21.34-36; 1Tè 5.1-10; 2Tè 1.7-10; Yud 17-19; Upf 20.11; 21.1)

3 ¹ Yà atdíǒ ma mǒzè nyí rò ǒdhídù, yàrí ní ǒyò rí kíse bhàrùwà yà ma màndí fùkù. Kǒkò ǒyò ma màndí fùkù bhàrùwà ǒ, ma mǒzè misè fùkù dhu ní iwà nyí nyúni dhu, ndíní nyí nabhù tí nyírè i dhu tdítǒǒ àkákà dhu bhèyi. ² Ma mǒzè nyírè yà angyangyi ìlílǎ pbànábí núunò ǒte mà, Ádrùngbǎle, Ògùba Yèsù Krístò bhà Úyátá, yà kàbhà uvitatále núudhè fùkù mànà. ³ Ròsè kóró dhu dǒnǎ, nyí nyákà nyúni dhu ní, kàrí idhò, yà yà adzi ǒ dhu-tsù rí ndàpà ndòdì ndì òyá ǒ ríí ale ràrì affíya òzè dhu bhèyi tí ì nòzè 'òkò ale. Abádhí nóowuna nyùgbò rǒ, ⁴ 'àmbe àtìnà dǒ: « Yèsù akò làkà ndàtì, ìngo ndì ràrì ìngo ! Ní kòmbí kà ríí ngbòrò ? Obhó tí, ròpè ndì yà àlè t'ábhúna núuvèna rò^h, kóró dhu náaríí inè àdhàdhì yà Kàgàwà abhòlòna yà adzi rò ì ríí dhu bhèyi tí ! » ⁵ Wò dhu ùnò ì í rò, abádhí ònǎ rò arana àdzo rǒ dhu ní: mùhàngú ò rò, Kàgàwà rabhòlò òrù-akpà mà yà adzi mànà òtèna nǐ, ndirò kà rabhòlò yà adzi ràhù idha ò rò, ndàdù adzi-kpa mà-ònga núndò idha mànà. ⁶ Ndirò ndi ǒte-òbì nǐ tí, yà angyi íí adzi ninza ní òtòtù, rùpílí ndì idhaⁱ. ⁷ Ní, wò ndi ǒte-òbì nǐ tí, Kàgàwà úlí wà yà kòmbí ríí òrù-akpà mà adzi mànà tsèna tí, ndíní ndì ndùbìya tí kàzù ò. Kàrí abádhí òdò wò ndi ìndrù-ànyà ndì ndunoya, ndàdù nzérengatále-tsè òtdì ònǎ idhò tò.

⁸ Pbéttù, yà atdíǒ ma mǒzè nyí rò ǒdhídù, atdí dhu ríí inè yà inzà àkà ndàdzo ùkunǎ rò. Ndi dhu ní: Ádrùngbǎle Kàgàwà-nyìkpò ǒ, atdí idhò ríí àdhàdhì atdí lufù atò bhèyi, ndirò atdí lufù atò ríí àdhàdhì atdí idhò bhèyiⁱ. ⁹ Ádrùngbǎle nádzo nzá yà ndì ndakò pbìndà làkà nábhù ndì ndí rākà dhu rǒ rò, àdhàdhì yà atdídhéná ale náarírenà dhu bhèyi. Obhó tí, kàrí dzìkù òndù, inzà ndì ndózè atdí ale mà ràwí, pbétù ndì ndózè kóró ale rùgèrè ì 'ùbhà fíyò nzérenga nídhuní.

¹⁰ Ádrùngbǎle bhà idhò níisíya àdhàdhì ogbotále rírà ònǎ idhò náarí ìsì inzà ka kùni rórò dhu bhèyi. Ndi nínganí, òrù-akpà náawíya girítina

⁸ 2.22 Mbà 26.11 ^h 3.4 Ábhǒ ale rírenà dhu ní, « Àlè t'ábhúna » tí ka kátina író ale ràrì kákà wemberè tí Yèsù Krístò na'u ale. ⁱ 3.6 ǒpt 1.6-9; 7.11-23 ^j 3.8 Zàb 90.4

rūva rórò. Ndirò, yà Kàgàwà abhòlò kóró dhu-tsí, yà inga àwù arí òrù-akpà-nyì-rò dhu-tsí, níidhoya ì kóró kàzu-fò. Yà adzi, ònà arí kóró dhu-tsí mànà núuwíya kóró átò. ¹¹Nírò, wò dhu bhèyi kóró dhu níinzaya ì rò, nyí nyàkà nyòkò ìlílà òfò ò Kàgàwà-nyìkpó ò, nyàdù afíku àpba kòzè dhu ònzi nyí nyí dhu rò. ¹²Nyí nyàkà nyòkò ndi dhu bhèyi yà Kàgàwà bhà idho òdo nyí nyí atdyúku nyú nà ràkà tsàkàtsàkà ònà kàsùmì ò. Ndi idho ò, Kàgàwà ubìya òrù-akpà kàzu nì, yà òrù-akpà-nyì rò arí inga àwù dhu ràdù ìdhò ndi kàzu bhà igbétá nì. ¹³Àdhàdhì yà Kàgàwà akò làkà-bvù rò, àlè kòdona dhu ní òrù-akpà-òwútá mà, adzi-òwútá mànà rúvò dhu. Ndi òrù-akpà-òwútá mà adzi-òwútá mànà ò róko ale róngo ònzìnà dhu ní obhónànga tó dhu kèlè.

¹⁴Yà atdíð ma mòzè nyí rò òdhídù, wò ndi idho òdo nyí nyí ònanà, nyí nyàkà nyòkò màrùngà ò Kàgàwà nà. Nyí nyàkà nyònzì òbi nyòkò ìlè nyí nyílà kà-nyìkpó ò rórò, ndirò ìmbà nzére dhu tí ka kàdù òzùnà atdí dhu mà ríí nyukutsi rórò. ¹⁵Nyí nyàkà nyùni dhu ní, yà àlè tó Ádrùngbàle ràdi ìnzì ndàmbe ìngo dò dhu ràrì ndi otu nùbhà fùkú ndínì nyí nyugù tí. Ndi dhu ríí àdhàdhì yà àlè t'ádònà ndirò àlè t'òdhìnà Pòlò ándì fùkù yà Kàgàwà ábhù fìndà dhu-ònga t'òvòta tó irèta-bvù rò dhu bhèyi. ¹⁶Kóró pbìndà bhàruwà ùndì ndi ndí rò, kàrí òte ì dhu dò. Pbétù ì bhàruwà ò, ngùkpà dhu rí ale-do àlè dhu náaríí òbi tí. Ní kàkà ìnzà nga núni, ndirò ìnzì 'àdù ò'ò afíya ònà rò ale, náaràdù ì dhu-tì ùle ávaya dò, àdhàdhì ì arí ìlílà Andítá ò ngùkpà dhu-tì ùlè dhu bhèyi. Wò dhu bhèyi ì í dhu ònzi rò, abádhí arí ìnzà ìtírò.

¹⁷Nírò nyí, yà atdíð ma mòzè nyí rò òdhídù, kòní ma mòvò wà dhu angyangyi fùkù. Ní nyí nyàkà nyòdò nyí mbèyi, akye nyí nyowuna kòkò nzére ale tó nzérenge àbhù rùwí nyí, ìnzì nyàdù ìko pòtsó fùkú a'uta ò nì. ¹⁸Pbétù nyí nyàkà nyàmbe ò'ò dò ìdzìnga ò, ndirò àlè tó Ádrùngbàle, Ògùba Yèsù Krístò ùnì nyí nyí mbèyi nyú dhu mànà dhu ò. Ilèta àkà àlè ràbhù kà tò ròpè ndi kòmbí, ndirò dhòdhódhónganà ! Àmìnà.